



KOMUNIKADO PA PRENSA

Fecha

3/11/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

MINISTER BALBORDA TA INFORMÁ KOMUNIDAT

WILLEMSTAD TA BOLBE RISIBÍ SERTIFIKADO SERKA ORGANIZATION OF WORLD HERITAGE CITIES

Willemstad –Minister Balborda di Ministerio di Tráfiko, Transporte i Planifikashon Urbano, ku entre otro tin den su kartera “patrimonio mundial”, a risibí un sertifikado di e Organisashon di Siudatnan di Patrimonio Mundial. E sertifikado aki ta indiká ku Willemstad a wòrdu kalifiká komo un “member in good standing”, esta un miembro ku ta kumpli ku su obligashonnan.

Willemstad ta miembro di e organisashon aki, esta ‘Organization of World Heritage Cities’ (OWHC), mirando ku sentro histórikiko di Willemstad ta un siudat di patrimonio mundial rekonosé pa UNESCO na aña 1997. Nos sentro di suidat ta un área úniko ku ta konsistí di 4 distrikto histórikiko. E distriktonan aki ta reflehá arkitektura di e komunidat multi-kultural di e isla.

E struktura urbano a keda forma den periodo 1650-1900 i pa gran parti a keda mantené. Esaki ta forma e base pa tur e monumentonan.

Komo siudat di patrimonio mundial, bo por bira miembro di e kadena di siudatnan di patrimonio mundial, ku tin su sede na Canada. E sertifikado, ku Willemstad a risibí, ta un muestra di apresio mirando ku Gobièrnu di Kòrsou a partisipá aktivamente na e último 4 reunionnan di e organisashon di siudatnan patrimonio mundial. Esakinan a tuma lugá na diferente parti di mundu.

Tambe ta bon pa para un ratu ketu na kiko ta nifiká ser miembro di e organisashon di patrimonio mundial, esta OWHC. OWHC tin 250 siudat ku ta miembro, nan ta representá 130 mion di hende rònt mundu. Komo miembro bo por siña i interkambiá maneho, konosementu i informashon ku tur e otro siudatnan ku ta miembro. Bo por partisipá na kongreso, konferensha, seminario i workshops ku e organisashon ta ofresé.

E organisashon tin un website ku ta sumamente kompleto i ku ta di link na diferente instituto renombrá riba tereno di patrimonio mundial. Si wak riba website, por haña e informashon di Willemstad riba esaki. Miembresia ta duna bo e oportunidat tambe



KOMUNIKADO PA PRENSA

Fecha

3/11/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

di ekstendé relashon ku institutonan prestigioso manera World Bank, World Monuments Fund i Getty Institute.

Otro suidatnan ku tambe ta Suidatnan di Herensia Mundial, esta miembronan di OWHC, ta entre otro Amsterdam na Hulanda, Berlin na Alemanía, Cartagena na Colombia, Melaka na Malaysia, i Valparaíso na Chile.

Na 2015, e kongreso bi-anual lo tuma lugá na Arequipa, Perú. Minister Albelda ta analisando e posibilidat pa hasi un oferta pa e konferensha bin Kòrsou na aña 2017. Nos miembresia "in good standing" ta di suma importansha pa esaki.